

# AERIUS<sup>®</sup> TABLET 5MG

Desloratadine 5mg

## Apakah yang ada pada risalah ini

1. Apakah kegunaan *AERIUS TABLET*
2. Bagaimana *AERIUS TABLET* berfungsi
3. Sebelum mengambil *AERIUS TABLET*
4. Cara menggunakan *AERIUS TABLET*
5. Semasa menggunakan *AERIUS TABLET*
6. Kesan-kesan sampingan
7. Cara penyimpanan dan pelupusan *AERIUS TABLET*
8. Deskripsi Produk
9. Pengilang dan Pemegang Pendaftaran Produk
10. Tarikh kemaskini RiMUP

## Apakah kegunaan *AERIUS TABLET*

*AERIUS TABLET* melegakan simptom rinitis alergi (radang laluan udara dalam hidung yang disebabkan oleh alergi [alahan], misalnya, demam alergi atau alergi terhadap tungau habuk). Antara simptom ini ialah bersin, hidung berhingus atau terasa gatal, lelangit mulut terasa gatal, dan mata yang gatal, merah-merah atau berair.

*AERIUS TABLET* juga digunakan untuk melegakan simptom urtikaria (masalah kulit yang disebabkan oleh alergi). Antara simptomnya ialah gatal-gatal dan gegata.

Simptom-simptom ini dapat dilegakan sepanjang hari untuk membantu anda tidur dan meneruskan kegiatan seharian anda seperti biasa.

## Bagaimana *AERIUS TABLET* berfungsi

*AERIUS TABLET* ialah sejenis ubat antialergi yang tidak membuatkan anda mengantuk. Ubat ini dapat mengawal tindak balas alergi dan simptomnya.

## Sebelum mengambil *AERIUS TABLET*

- *Bila tidak boleh mengambil*  
Jangan ambil *AERIUS* jika anda alah (hipersensitif) terhadap *desloratadine*, terhadap mana-mana bahan lain di dalam *AERIUS TABLET* atau terhadap *loratadine*.

- *Sebelum mula mengambil*  
Bincanglah dengan doktor atau pakar farmasi sebelum menggunakan *AERIUS SYRUP* jika anda atau keluarga pernah mengalami sawan.

Penggunaan *AERIUS TABLET* dari segi efikasi dan keselamatan di kalangan kanak-kanak yang berumur tidak lebih daripada 12 tahun belum dibuktikan.

## Kehamilan dan menyusukan anak dengan susu badan

- Mintalah nasihat doktor atau ahli farmasi sebelum mengambil apa-apa ubat semasa anda hamil dan semasa anda sedang menyusukan anak dengan susu badan.
- Jika anda hamil atau sedang menyusukan anak dengan susu badan, *AERIUS TABLET* tidak disyorkan.

## Maklumat penting tentang bahan kandungan di dalam *AERIUS TABLET*

*AERIUS TABLET* mengandungi laktosa. Jika doktor

memberitahu anda bahawa anda tidak dapat menahan sesetengah jenis gula, hubungilah doktor sebelum anda mula menggunakan produk perubatan ini.

- *Jika mengambil ubat-ubat lain*  
Tidak ada saling tindak balas yang diketahui berlaku antara *AERIUS TABLET* dengan ubat-ubat lain.  
Beritahu doktor atau ahli farmasi jika anda sedang, baru-baru ini telah menggunakan ubat lain atau akan menggunakan ubat lain.

## Mengambil *AERIUS TABLET* berserta makanan dan minuman

*AERIUS TABLET* boleh dimakan sebelum ataupun selepas makan.

## Cara menggunakan *AERIUS TABLET*

- *Berapa banyak harus digunakan*

Orang dewasa dan remaja (12 tahun ke atas): makan satu tablet sekali sehari.

- *Bila perlu digunakan*

Telan tablet bulat-bulat dengan air, sebelum ataupun selepas makan.

- *Berapa lama perlu digunakan*

Doktor akan menentukan jenis rinitis alergi yang anda hidapi dan kemudiannya menentukan tempoh anda harus menggunakan *AERIUS TABLET*.

Jika rinitis alergi anda itu jenis bermusim (mengalami simptom kurang daripada 4 hari seminggu ataupun kurang daripada 4 minggu keseluruhannya),

# AERIUS<sup>®</sup> TABLET 5MG

Desloratadine 5mg

doktor akan mengesyorkan jadual rawatan yang bergantung pada penilaian sejarah penyakit anda.

Jika rinitis alergi anda itu jenis berlarutan (mengalami simptom melebihi 4 hari seminggu dan melebihi 4 minggu keseluruhannya), doktor mungkin mengesyorkan tempoh rawatan yang lebih panjang.

Bagi urtikaria, tempoh rawatan mungkin berbeza bagi setiap pesakit dan oleh itu, anda harus mengikut arahan doktor.

#### - Jika terlupa menggunakan

Jika anda terlupa memakan ubat ini pada waktu yang sepatutnya, ambil secepat mungkin, kemudian teruskan dengan jadual waktu dos anda yang biasa. Jangan gantikan dos untuk menggantikan dos yang terlupa digunakan itu.

#### - Jika mengambil berlebihan (terlebih dos)

Makan **AERIUS TABLET** tepat-tepat seperti yang diarahkan. Walau bagaimanapun, jika anda termakan lebih banyak **AERIUS TABLET** daripada yang diarahkan, hubungilah doktor atau ahli farmasi.

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

#### **Semasa menggunakan **AERIUS TABLET****

#### - Perkara yang perlu dilakukan

- Ambil ubat anda mengikut arahan doktor.

- Beritahu doktor anda dengan segera jika anda menjadi hamil semasa menggunakan ubat ini.

#### - Perkara yang tidak boleh dilakukan

- Jangan berhenti menggunakan ubat ini kecuali diarahkan oleh doktor anda.
- Jangan mula mengambil sebarang ubat baru tanpa berbincang dengan doktor atau ahli farmasi anda.
- Jangan berkongsi **AERIUS TABLET** dengan sesiapa, walaupun mereka mempunyai simptom atau penyakit yang sama.

#### - Perkara yang perlu diberi perhatian

#### **Memandu dan mengendalikan jentera**

Pada dos yang disyorkan, **AERIUS TABLET** tidak dijangka akan membuatkan anda mengantuk atau kurang berwaspada. Walau bagaimanapun, sesetengah orang berasa mengantuk dan ini boleh menjejaskan kemampuan mereka memandu atau mengendalikan jentera. Namun begitu, ini jarang-jarang sekali berlaku.

#### **Kesan-kesan Sampingan**

Sama seperti semua ubat lain, **AERIUS TABLET** boleh menyebabkan kesan sampingan, walaupun tidaklah semua orang akan mengalaminya. Bagi orang dewasa, kesan sampingannya

lebih kurang sama dengan kesan sampingan tablet kosong. Walau bagaimanapun, rasa lesu, mulut kering dan sakit kepala lebih kerap dilaporkan berlaku

berbanding dengan tablet kosong.

Semasa memasarkan **AERIUS TABLET**, kes tindak balas alergi yang teruk (sesak nafas, nafas berdehit, gatal-gatal, gegata dan bengkak) dan ruam pernah berlaku tetapi sangat jarang dilaporkan. Palpitasi (debaran jantung yang cepat dan tidak teratur), degupan jantung yang cepat, mengantuk, radang hati dan hasil ujian fungsi hati yang tidak normal juga pernah tetapi sangat jarang dilaporkan. Jika mana-mana kesan sampingan menjadi serius, atau jika anda perhatikan kesan sampingan yang tidak tersenarai di dalam risalah ini, beritahulah doktor atau ahli farmasi.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web [npra.moh.gov.my](http://npra.moh.gov.my) (Public → Reporting Medicinal Problems / Side Effects / AEFI)

#### **Cara penyimpanan dan pelupusan **AERIUS TABLET****

#### - Penyimpanan

- Jauhkan daripada capaian dan pandangan kanak-kanak.
- Simpan pada suhu yang kurang daripada 30 °C. Simpan di dalam bungkusannya yang asal. Lindungi **AERIUS TABLET** daripada lembapan yang berlebihan.
- Jangan makan **AERIUS TABLET** selepas tarikh tamat tempoh yang tertera pada kartonnya dan pada papan lepuhnya.

# AERIUS<sup>®</sup> TABLET 5MG

Desloratadine 5mg

---

- Tarikh tamat tempoh ini merujuk pada hari terakhir pada bulan yang dinyatakan itu.
- Beritahu ahli farmasi jika anda mendapati perubahan pada rupa tablet ini.

Lot No. B-22-1 & B-22-2,  
Level 22  
The Ascent, Paradigm No.1  
Jalan SS 7/26A, Kelana Jaya  
47301 Petaling Jaya,  
Selangor, Malaysia

**Tarikh Kemaskini RiMUP**  
30/08/2017 (versi042017)

**Nombor Siri**  
NPRA (R1/2) 14122017/111

- Pelupusan

Jangan buang ubat ini bersama-sama air sisa atau sampah dari rumah. Tanyalah ahli farmasi tentang cara membuang ubat yang tidak diperlukan lagi. Langkah-langkah begini akan membantu memelihara alam sekitar.

## Deskripsi Produk

- Rupa dan warna produk

AERIUS TABLET 5mg ialah tablet bersalut yang berwarna biru muda, berbentuk bulat, dicetak dengan huruf 'S' dan 'P' yang lonjong pada sebelah permukaannya dan tanpa corak pada sebelah lagi.

-Bahan-bahan kandungan

- Bahan aktif:  
Desloratadine

- Bahan tidak aktif:  
Dibasic calcium phosphate dihydrate, microcrystalline cellulose, corn starch, talc, , carnauba wax, white wax, purified water,Dye Opadry II Blue dan Dye Opadry Clear.

- Nombor MAL  
MAL10053655AZ

## Pengilang

Schering-Plough Labo N.V.,  
Heist op-den-Berg,  
Belgium.

## Pemegang Pendaftaran Produk

Merck Sharp & Dohme  
(Malaysia) Sdn. Bhd.